

Zeitschrift: Nebelspalter : das Humor- und Satire-Magazin
Band: 89 (1963)
Heft: 14

Artikel: Nur ein Viertelstündchen (Verspätung) ...
Autor: [s.n.]
DOI: <https://doi.org/10.5169/seals-502364>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 12.01.2026

ETH-Bibliothek Zürich, E-Periodica, <https://www.e-periodica.ch>

Vom Gärtner und vom Bock

Gschichtli, wo *Gäld* drin vorkunnt, wird ebbe gsait, lääse d'Basler *bsunders* gärn. Also denn:

In der Zyt vor em Grieg, wo Dytshland scho kai *Gäld* meh uus em Land uuseglohet, do het e ryche Schwyzer - saage mer emool z'Frankfurt - gfunde, er haig aigedlig in sym Läbe *gnueg* gschafft und er haig au *gnueg verdient*. Am liebschte däät er jetzt wider in d'Schwyzer haimzieh und dert privatisiere. Aber ebe! Wie 's *Gäld* in d'Schwyzer *mitnäh*?

Er het sich das lang und gnau überlegt.



Und derno isch er emool in d'Schwyzer gfahre-n-und het uff ere ganz groosse, schwyzerische Bank z'Basel e zimmlig umfangrych Tresorfach gmietet. E Ghaimnis het er *nit* druuß gmacht. Ehnter vilicht e bitzeli im Geegedail.

Derno het er z'Frankfurt sy Vermeige flissig gmacht, eso wyt's nit überhaupt scho in Wärtbabyr aaglegt gsi isch. Alli syni Aktie-n-und andere Titel, fascht alles ussländisch Wärtbabyr, het er uus syner Bank z'Frankfurt zruckzooge. Das isch absolut nit verbotte gsi. Aber 's isch nadyrlich uffgfallen.

Er isch dorum au gar kai bitzli verwunderet gsi, wo-n-am ene scheene Daag ain vo de hekschte Heere vo der Rychsbank by-n-em erschne-n-isch und em uff der Kopf zuegsait het, är haig als Schwyzer sy ganz Vermeige-n-uus syner Bank zruckzooge, är haig e Tresorfach z'Basel gmietet und d'

Rychsbank syg derno au kai Dubel. Das Vermeige haig er haimlig in d'Schwyzer brocht, und das Vermeige mies er wider zruckbringe, zruck noh Dytshland. Sunschti gieng's em wiescht an Graage! Dä Schwyzer het das nadyrlich alles erwartet gha. Er het's jo quasi provoziert. Er het däm Heer vo der Rychsbank vorschlaage, si welle sofort in sy Auto styge-n-und grad miteinander uff Basel fahre; dert kenn er *sälber* in das Tresorfach luege. Vo sym Vermeige wärd er dert zwor kai Batze vorfinde; aber er soll numme ko und *sälber* luege. Und dä Bankmensch isch druff ygange. Mitenander sinn si uff Basel und uff d'Bank und ans Tresorfach.

«Luege Si *sälber*, 's isch läär!» sait unser Schwyzer zem dytsche Bankbobbi. Und dä het's gsh und der Kopf gschittlet und het's miese glaube.

«Aber jetzt», sait der Schwyzer, «kunnt my Vermeige dry in das Tresorfach! Y glaub nämmliig *nit*, daß y my Mappe mit alle myne Titel und Aktie-n-eso lycht und sicher über d'Gränze brocht hätt, wenn nit grad *Si* derby gsi wäre-n-und em dytsche Zellner by der Uusras uus Dytshland Ihr Spezialuuswys näbe-n-em Paß zaigt hätte. Dä hätt emänd no my Auto untersueche loh und hätt my Mappe-n-under däm Bolschter gfunde, wo-n-uusgrächnet *Si* *sälber* der ganz Wäg druffgsässe sinn. Nyt fir unguet also! Lääbe Si rächt wohl! Kemme Si guet haim! Y - blyb jetzt nämmliig do in der Schwyzer, by mym Vermeige.» Fridolin

Nur ein Viertel-stündchen (Verspätung) ...

Die Witze, hat ein Weiser einmal gesagt, muß man nicht erfinden, die schreibt das Leben selber.

An einem kleinen, festlichen Anlaß mit lauter eingeladenen Gästen und einer ganzen Reihe von Ansprachen brauchten die beiden ersten Redner die Anrede *Meine Herren!*, der dritte, vierte und so weiter aber *Meine Damen und Herren!* Der relative Witz ist dabei bloß der, daß sämtliche Redner die korrekte, der Situation im Saal entsprechende Anrede gewählt hatten..

Boris

Missperanto

Eine der letzten Lücken in der Miß-Kette ist gefüllt: Die Welt

hat ihre erste Miß Esperanto erhalten. «Du», sagte einer zum andern, nachdem er das Miß-Bild in der Illustrierten gesehen hatte, «was ist eigentlich Esperanto genau?» «Ach, weißt du», meinte der andere, «das ist eine Weltsprache, welche nirgends auf der Welt gesprochen wird.»


Und Karl Kraus bezeichnete einmal den Schreibstil Maximilian Hardens als Desperanto. J. L.

Lieber Nebi!

Für den Fall, daß Dir die Bedeutung der Abkürzung EWG nicht geläufig sein sollte, will ich sie Dir hier erklären:

EWG heißt: «Einer widerstrebt grundsätzlich.» AH


GIPSFIGUREN KABINETT



kurtmaier



Endlich eine ersprießliche Konferenz!



KURT THALER